



04. April 2019

UPA 2019/112

Atassut

Aqqaluk Heilmann

Inuit ernumanermik isummakkullu nanertisimanermik eqqugaasartut isumassorneqarluarnissaat qulakkeerniarlugu nuna tamakkerlugu iliuusissatut pilersaarummik kingusinnerpaamik UPA2020-mi saqqummiunneqartussamik Naalakkersuisut suliaqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Aqqa Samuelsen, Inuit Ataqtigiit.)

Inuit ernumanermik isummakkullu nanertisimanermik eqqungaasartut pillugit suliaqartartut pioreerput peqqinnissaqarfiup iluani, kommune-llu ataani ingerlatani ilaqtariinnut saaffissani.

Kisianni suli annertunerusumik iliuuseqartariaqarnerput suli pisariaqarsimappat taava kommune-ni qinikkatut inissisimasut inulerinnermut attuumassuteqartuni ataatsimiititaliat kiisalu atorfilittanut susassaqtut il.il. suligasuartitamik tusarniummik aallartitsisoqarsinnaanera takorlooruminarsinnaavoq.

Taamaattumik siunnersuutip imaata tunngavia kommune-ni susassaqtuni kiisalu peqqinnissaqarfiup ataani suliaqartuni ingerlanneqaraluarpataluunniit apeqqutit allat suli qallortariaqarsorinarput taama suliaqartuusunit ulluinnarni, kiisalu nalunaarsortillugit.

Pinngortitap atungassarititaasa unammillernartuisa taarsiortitsisinnaasarneri inuit ilaasa annertuumik eqqorneqaatigisarpat, kiisalu ernumasarnermik angst eqqorneqaataasartut amerlangaartunik tunngaveqarsinnaasarneri ilisimaarivarput.

Isummakkut nanertisimasarnelit nassatarisartagaat isummakkut erloqinerit aliasuuteqarnerillu inuup tarniganut peqqinngittorujussuupput assullu nukinnik atuitisisuusarlutik.

Taamaattumik ikiuigasuartarnerit pillugit kommune-ni kredshjælp-ernik aamma peqartoqarpoq immikkut sulingasuartittakkanik.

Taamaakkaluortoq inuit ernumasalernermik ikerinnakkut eqqorneqarsimasut nammineq pitsaanerutitaminnik inuuneqalertarput, sulisinnaanngikkaangatalu immikkut ikiorserneqartarlutik.

Inuit ernumanermik nanertisimanermilluunniit eqqorneqarsimasut pisortaqarfitsigut ikiorneqartarnerat pillugit nuna tamakkerlugu iliuusissamik ataqtigiissakkamik siunnersuut toqqaannartumik itigartinnagu taamaattoq ataatsimiititaliamut innersuukkusunnarpoq, tassani aamma nalilersorluarneqartariaqarmat.